

ի հնուհն Գողգոթայի ետեւը, եկեղեցիէն դուրս  
ցոյց կը տրուէր ա՛յն քարը՝ որուն վրայ գրուած էր  
Աբրահամու խարոյկը, ծառը, որմէ խոյը կախուած  
էր և Մելքիսեդեկի սեղանը (Mis. հատ. Բ. էջ 386):

4. — Մելքիսեդեկ քահանային գերեզմանը Գող-  
գոթայի մէջ. — Հին քրիստոնեայ հեղինակներ Սաղի-  
մայ թագաւոր և Բարձրելոյն քահանայ Մելքիսեդեկը  
կը ներկայացնեն իբր պատկերը ճշմարիտ քահանայա-  
պետին Քրիստոսի, ինչպէս Աբրահամու միակ որդին՝  
Իսահակով՝ խաչին վրայ պատարագուած Աստուածոր-  
դւոյն: Պատկերները և խորհրդանշանները յետոյ վե-  
րածուեցան իրականութեան և շինուեցան աւանդու-  
թիւնները, այնպէս որ Քրիստոսի խաչելութեան տեղ-  
ւոյն մօտ, ի Գողգոթա՝ Իսահակին զօհին տեղը եւ  
Մելքիսեդեկի գերեզմանը կը յիշատակուին յենլով  
աւանդութեան:

Մելքիսեդեկի գերեզմանին տեղւոյն մասին Յով-  
հաննէս եպօ. Երուսաղէմացի կը գրէ, «Յահեկէ (գըլ-  
խոյն Ագամայ) տեսանի գերեզման մի՛ որ ասի գոլ  
Մելքիսեդեկի քահանային, այլ ոչ կարացի ստու-  
գութեան հասու լինել» (Հան. էջ 207): Բայց կ'երե-  
ւի թէ նոյն գերեզմանին վրայ յետոյ շինուած է սե-  
ղան մը (Bar. gd. էջ 85):

Գրիգոր վրդ. Նարեկացին (Ժ. Գար) իր Աղօթա-  
մատեանին «Վասն սրբալոյս իւզոյն միւռոնի» աղօթ-  
քին մէջ ունի հետեւեալ տողերը. «և ինչպէ՞ս մոռցայ  
վեհերու մէջ գերազանցը. մեծութեանդ ծառան եւ  
պատկերը անպարագելիիդ. չէ՞ որ Մելքիսեդեկն ալ,  
իբրև օրինակ անեղ ճշմարտիդ, Զիթենեաց լերան վը-  
րայ՝ ուր մարմնացած Աստուծոյդ ոտքերը յետոյ կա-